

MISTERIO

Misterio di e luna aki ta alerta hobennan pa no bay haci loke cu e hobennan aki a haci pa nan no tin cu conoce un final asina tristo manera a tuma lugar algun año atras, lagando mayornan adolori y desconsola.

Un accidente tragico cu a cobra bida di tres hoben ariba e seroe aki a keda graba den memoria di hopi hende pero tin cu hende cu ainda ta experiencia e tragedia aki.

Maske cu loke cu ta continua den e seccion aki di misterio por zona straño, e caso aki ta parse di ta cobra bida casi tur fin di luna pa algo mas cu mey anochi.

Varios ta esnan cu te dia di awe pa mas cu un biaha ta keda mira e caso aki y sin por haya un splicacion.

Tur cos a cuminsa algun año atras tempo cu ainda hobennan ta tuma caminda di Barcadera como esun pa bay test e potencia di nan auto y bet placa pa mira ken ta gana careda di auto.

E caredanan aki tabata ilegal pero tambe hopi riesgoso cu tabata pone bida di esnan cu ta pusta den peliger pero tambe e automobilista cu tabata tuma e caminda di Barcadera.

Tipo di caredanan asina tabata pasa mas tanto fin di luna den week-end ora cu mayoria di e hobennan tabata tin un tiki placa pa tira bet pa careda.

Ainda tipo di betnan aki ta tuma lugar y riba caminda grandi mes y te hasta camindanan patras cu hopi biaha no ta wordo frecuente.

Ariba un Diabierna cu tabata net riba un fin di luna, algun amigo y conocirnan a dicidi di prepara pa 11'or di anochi algun careda ariba e caminda di Barcadera.

Net na unda cu awor ta situa Volkswagen tabata e comienzo di unda cu e autonan mester prepara pa ranca y te na e brug yegando dump tabata e final.

Semper tabata tin algun cu ta vigila pa polis na altura di e brug y banda di e comienzo di e careda, pa duna señal pa para e careda of pa baha na awa ora polis yega. Sabiendo cu tipo di caredanan aki tabata peligroso y ilegal toch e tabata tuma lugar pasobra hobennan no ta mira e peliger su tras.

Te ainda hobennan cu ta tuma pustamento publico como algo exitante no sa e peliger cu nan ta pone nan mes aden y demas.

Loke cu tabata di bay pasa ariba e Diabierna di e año ey tabata parce di ta skirbi y cu ni cuanto señal cu e hobennan a haya pa para e careda toch esaki a bay door.

Na Barcadera cada biaha tabata tin un incidente e auto

E Auto Fantasma di Sero Teishi

cu e tres bon amigonan tabata bay aden tabata parce di tin fayó y te hasta candela a medio sali for di e auto aki cu tabata eigenlijk un clone di auto pa careda.

Asina mes cu e hobennan tabata haya contratempo pa nan pusta ariba Barcadera y cu nan a perde tres careda, no tabata suficiente señal pa para nan di pusta.

Pa algo despues di 12'or di anochi e amigonan den nan auto a keda cu e sanger cayente pa pusta y nan a dicidi cu nan lo purba ariba un otro caminda y uno cu ta mas peligroso. Na altura di luz di trafico di aeropuerto bayendo pariba e amigonan aki a challenge algun brother di nan pa pusta. Loke cu a cuminsa na un wega a termina den un tragedia y un final tristo pa e tres hobennan cu tabata den e auto aki.

Na haltura di Seroe Teishi e autonan tabata bayendo pareu pareu y ariba e seroe ey tabata bin un truck grandi cu e amigonan aki no a spera. E otro nan cu tabata pustando contra di e auto aki cu e tres amigonan aden a logra baha caminda na tempo pero e auto cu e tres amigonan aki no a logra.

Un desgracia grandi a tuma lugar y e auto a keda total loss y mescos e curpanan sin bida di e tres hobennan aki cu a muri na e sitio. Mas cu claro cu chauffeur di e truck no a haya mucho cos pero e hobennan si a haya tur sla cu por a imagina y tur tres a perde nan bida tragicamente.

Algun año despues e incidente aki ta parce di ta cobra bida ariba Diabierna, algo despues di 12'or y ta parce di ta real.

Esnan cu ta biba cerca di Setoe Teishi ta mira e auto aki ta bay pariba cu velocidad halto y tres cabez den dje sinta pero na haltura unda cu e accidente a tuma lugar e auto ta disparece.

Te hasta accidente a yega di tuma lugar pa via di e auto fantasma aki cu ta subi e seroe cu yen di boroto y cu ta disparece manera nada.

Manera cu e caminda aki bira keto y cu no tin auto ta bin e auto fantasma aki ta bin di pabao ariba un speed halto y ta perde ariba e seroe.

Te dia di awe ningun hende no sa pakico e ta keda frecuente e caminda di Seroe Teishi tin hendenan di edad ta asumi cu e ta buscando otro almanan hoben pa hiba cu nan.

Ni maske cu a pone cruz na unda cu nan a fayece y a haci misa pa nan e hobennan aki cu a muri tragicamente ta parce di ta buscando hobennan terco pa hiba cu nan.